



**MILWAUKEE
PUBLIC SCHOOLS**

Lub Tsib Hlis Ntuj Tim 7, 2021

Nyob Zoo, Txog Rau MPS Cov Tsev Neeg,

Tsab ntawv no yog muab ua kev coj qhia rau cov tsev neeg uas muaj cov me nyuam kawm ntawv uas tau txais cov kev pab cuam rau kev kawm tshwj xeeb tim ntsej tim muag thiab cov uas tau xaiv kawm hu sib pom txuas mus ntxiv. Nyob rau ncuaj sij hawm kaw cov tuam tsev tsev kawm ntawv, Milwaukee Cov Tsev Kawm Ntawv Rau Pej Xeem (MPS) tau ua txuas ntxiv mus rau kev tshab xyuas, kho dua, thiab muab cib fim pab cuam kev kawm rau ncuaj kev deb rau txhua tus me nyuam kawm ntawv, suav nrog rau cov me nyuam kawm ntawv xiam oob qhab. Raws li kev nqis tes ua tau ntawm qhov kev khiav tes hauj lwm no, MPS, tau ua raws li tsab lus cob qhia uas tuaj ntawm Xeev Wisconsin Feem Tuav Hauj Lwm Muab Kev Tsom Qhia Rau Pej Xeem (DPI), thaum tsis tuaj yeem muab tau cov kev pab cuam los sis siv tsis tau raws li cov kev xav tau ntawm tus me nyuam kawm ntawv, PMS yuav tsum xyuas tsis hais yam twg, thiab qhov kev nthuav txav twg, cov kev pab cuam uas muab pab los sis lwm cov kev pab cuam muab ntxiv uas yuav tau siv yeeb vim kev raug puas tsuaj los ntawm kev sib kis kab mob nyob rau ncuaj sij hawm qhib tsev kawm 2020-21. Cov kev txheeb xyuas no yuav xyuas raws tus me nyuam kawm ntawv txhua tus.

Kev Nqis Tes Muab Cov Kev Pab Cuam IEP, Cov Kev Pab Cuam Uas Cuam Tshuam, Cov Kev Pab Cuam Pab Rau Thaum Muaj Kev Nyuaj, thiab Lwm Cov Kev Txhawb Nqa

Tag nrho cov kev pab cuam uas PMS tau muab rau cov me nyuam kawm ntawv tsis xiam oob qhab nyob rau ncuaj sij hawm kawm ntawv tim ntsej tim muag thiab kawm hu tuaj sib pom kuj tseem yuav muaj muab rau cov me nyuam kawm ntawv xiam oob qhab thiab. Cov kev pab cuam uas yog muab ntxiv yuav muab teev ua ntaub ntawv cia rau hauv IEP, suav nrog rau kev muaj tas li, muaj ua zaum, thiab raws ncuaj sij hawm. Cov hau kev xaiv rau cov kev pab cuam uas muab ntxiv yuav muaj cov kev pab cuam nyob rau hnuv uas kawm ntawv, ua ntej/tom qab rau hnuv lawb ntawv, sim hawm muab kev pab cuam rau caij ntuj sov, thiab/los sis nyob rau ncuaj sij hawm muab cov kev qhia ntawv tshwj xeeb raws tsev kawm ntawv.

Tag nrho cov tsev neeg uas tseem xaiv kawm hu tuaj sib pom, cov kws qhia ntawv thiab cov neeg ua hauj lwm muab kev txhawb nqa yuav muab dej num ua rau txuas mus ntxiv uas tuaj yeem ua tom tsev xa tuaj txhawm rau pab cov me nyuam kawm ntawv ua kom tiav raws li lawv cov hom phiaj IEP thiab tsim kev txuas nrog tau rau cov chaw muab kev pab cuam rau zej zos. Cov kws qhia ntawv thiab cov tswv cuab uas yog neeg ua hauj lwm muab kev pab cuam tshwj xeeb uas ua hauj lwm nrog rau koj tus me nyuam kawm ntawv yuav muaj cov chaw muab kev pab cuam tshwj xeeb uas haum rau koj tus me nyuam kawm ntawv cov kev xav tau thiab cov chaw muab kev pab cuam rau zej zos uas yuav muaj txiaj ntsig rau koj tsev neeg.

IEP Cov Rooj Sib Tham

MPS yuav coj ua IEP cov rooj sib tham txuas mus ntxiv raws li tau hais nyob rau hauv cov lus coj qhia los ntawm DPI. Nyob rau ncuaj sij hawm tsa IEP rooj sib tham, cov pab pawg neeg ua hauj lwm yuav xyuas tsis hais qhov twg, thiab xyuas tsis hais yam twg, thiab qhov kev nthuav txav twg, cov kev pab cuam uas muab pab los sis lwm cov kev pab cuam muab ntxiv uas yuav tau siv tam sim no ua cov tuam tsev kawm ntawv tau rov qhib dua. Cov tsev neeg tuaj yeem thov tsa IEP rooj sib tham pab pawg neeg ua hauj lwm sij hawm twg los tau los sib sab laj txog cov kev pab cuam uas muab ntxiv. Tus kws qhia ntawv uas muab kev kawm ntaub ntawv tshwj xeeb yuav ua hauj lwm nrog rau IEP pab pawg neeg ua hauj lwm cov tswv cuab los tsa cov rooj sib tham uas yog hu xov tooj los sis los ntawm cov vas sab hu sib tham uas pom zoo siv tau rau niam thiab txiv/tus neeg pab saib xyuas. Cov rooj sib tham tim ntsej tim muag tsis tau tso cai siv nyob rau sij hawm no.

Yog hais tias koj yog niam thiab txiv/tus neeg pab saib xyuas uas muaj cov lus nug tshwj xeeb hais txog koj tus me nyuam uas muaj kev xiam oob qhab, thov tham nrog koj tus me nyuam kawm ntawv tus kws qhia ntawv IEP los sis tus thawj coj qhia hauj lwm muab kev kawm tshwj xeeb, los sis hu rau Feem Tuav Hauj Lwm Muaj Kev Pab Cuam Tshwj Xeeb tau ntawm 414-438-3648.

Ua tsaug rau kev ua cov neeg muab kev koom tes rau hauv qhov kev kawm ntaub ntawv.

Muaj lus ua tsaug ntau,

Jennifer Mims-Howell

Tus Sawv Cev Rau Tus Thawj Saib Xyuas Hauj Lwm Kev Kawm Ntaub Ntawv